

Uunga siunnersuut: Danskisut innuttaassuseqarneq pillugu inatsisip Kalaallit Nunaanni atuutilersinneqarnerat pillugu Namminersorlutik Oqartussat peqquneqarnissaannut akuerissagaat pillugu Inatsisartut aalajangiinerat

(Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoq)

Akissuteqaat

(Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoq)

Aappassaaneerinnineq

Naalakkersuisut sinnerlugit Inatsisartuni Inatsisinut Ataatsimiititaliaq sukumiisumik ataatsimiititaliap isumaliutissiissuteqarneranut qujassuteqarfigaara, tassani ataatsimiititaliap amerlanerussuteqartut Demokraatit, Inuit Ataqtigiit aamma Atassut siunnersuutip akuersissutigineqarnissaa inassutigimmassuk.

Naleraq ikinnerussuteqarlutik oqaaseqaateqarpoq, Naalakkersuisut kaammattorlugit Inatsisartut nunani allamiut Kalaallit Nunaanni najugaqartut aammalu Kalaallit Nunaannut attuumassuteqartut pillugit danskisut innuttaassuseqarnermut sinaakktissat namminneq aalajangersassagaat.

Naalakkersuisut maluginiarpaat ataatsimiititaliaq Naalakkersuisut isumaqatigigaat, innuttaassuseqarnermut maleruagassat tunngaviusumik inatsisitigullu pissutsit pissutigalugit naalagaaffeqatigiinnermi tamarmi assigiittariaqartut.

Taamatut naatsumik oqaaseqarlunga siunnersuut Inatsisartunut suliaq ingerlateqqippara.